

Radunanza dals 15-01-2018 a las 20.00
ila Crusch Alba a Lavin

Salüd

Daniel Franziscus salüda a 25 preschaints, 13 s'han s-chüsats.

1. Guolf Denoth vain elet sco **dombravusch**.
2. Il **protocol** vain prelet ed aprovà.
3. Daniel Franziscus prelegia il **rapport presidial**.
4. La chaschiera preschianta il **quint annual** cun ün gudogn da 2'700.30 frs. Reto Strimer prelegia il rapport dals revisuors da quint. Tenor quel rapport saja tuot in bun uorden e correct. La radunanza approva il rapport e da dis-charg a la chaschiera.
5. Mario Hässig dà **rapport sco darschader**. La lavur da chüra dals 10 da gün cun la scoula d'Ardez saja stat ün success. Ils magister giavüschan da repetter talas accziuns. I füss tenor quels pero bun schi's pudess far quai d'ürant l'eivna e na la fin d'eivna. La suprastanza vaiva decis da dar 500.- francs a la scoula per la lavur praistada. Il di da chüra dals 22 da lügl saja eir stat success.
6. La **tscherna dal president** düra plü lönch. I vain fat plüsas propostas, pero ils propuonnüts nu's mettan gnanca a disposiziun per ün'ellecziun. **Anton Priuli** as metta a disposiziun e vain elet cun ün grond applaus. Il reist da la suprastanza vain reeleta in corpore. **La cumischiun da stima da trofeas** consista nouv da 7 commembers cunquai cha Jannik e Men Duri lessan rimplazzar insembel a Jon Morell chi sorta da la cumischiun. **Jannik Strimer e Men Duri Gaudenz vegnan ellets** da la radunanza in quista funcziun.
7. Duos futurs chatschaders piglian per mans l'examen e dvaintessan gugent Commembers da nossa società. Quai sun Timo Schmidt e Nuno Monteiro. Els nu sun preschaints. La radunanza tils piglia sü sco **commembers novs**.
8. Suot **mutaziuns** vain tgnü ün mumaint da quietezza in memoria dal defunt Plasch Filli.
9. Per spargnar temp e na stuvair adattar artichel per artichel dal nouv **reglamaint da punctaziun e trofeas**, dess gnir surelavurà quist per prossma radunanza.
10. Marcus preschainta il **contrat tanter las societats in connex cun l'implant da tir Urezzas**. Quist vain fat bun da la radunanza. La radunanza piglia eir congiziun dal reglamaint da gestiun. Davart da quist nu n'ha ella da decider nöglia.
11. Marcus Bonorand orientescha davart las lavurs chi sun previssas quist e prossem on in connex cun la sanaziun da l'implant da tir in connex cul plom ed ils novs paracullas. In quell'ocasiun as pudessa spostar l'implant da tir da la laivra vers nord per s-chafir piazza per ün eventual implant da tir sün ün chucal movibel. Schi nu's fess uossa quel spostamaint dal implant da la leivra füssa davo passà il tren per ün eventual tir sül chukel. La radunanza es da princip dacord da far las preparaziuns toccantas.
12. La suprastanza fa la dumonda schi nu's less inoltrar üna **proposta per mans da la delegiada** chi prevezess da strichar il taur da tshiervi da la chatscha da reducziun. Il guargiachatschas gessan da princip dacord cun quista proposta, pervi cha'l taur es propcha be ün zücherin per chi gnian sajettats vadels e na our da motifs chatschadrigls. La radunanza es pero da l'oppiniun da spostar sün temps main burascus e forsa cur cha las iniziativas cunter la chatscha sajan passadas.

- 13.** Armon Schlegel declera la situaziun da pertenza ed ils resultats positivs davò ils tests cun üna drona dal Parc Naziunal d'ürant la stà passada. Guolf Denoth dà üna survista grafica davart ils accidaints cun maschinas da sgiar cun usöls da chavriöl. Armon ha eir sclari scha'ls paurs sajan pronts da collavurar. Telefonicamaing hajan tuot quels ch'el ha rajiunt confermà la prontezza da collavurar. Dals chatschaders preschaints sun eir tuots pronts da güdar e's laschan eir metter sün üna glista da piquet. La radunanza dà liber ün credit da 7'500.- francs per cumprar üna **drona cun camera da chalur**.
- 14.** Cunquai cha'l **progam da l'on** nun es amo avantman vain spostada quista tractanda sün la prossma radunanza.
- 15.** Daniel fa attent sün l'**iniziativa No Billag** e sün las consequenzas. Marcus oreintescha davart il **viadi** previs i'l Parc Naziunal cun pernotaziun in la chamonna Cluozza. Quel vain fixà süls **23 da gün**. Minchün paja svesa il viadi ed i's possa tour tuot la famiglia cun sai. Marcus orientescah eir cha quist on as pudessa ingaschar als commikers „Messer und Gabel“ pel trategnimaint d'ürant la tschaina da chatschaders. Ils cuosts s'amuntan a 1'800.-frs. La radunanza es perincletta cun quai ed eir cha minchün paja amo 10 francs sper la tschaina per contribuir als cuosts.
- 16.** Suot **varia** disch Jachen Caviezel cha blers mouran in let e cha perquai saja bun da star sü adura ed ir a güdar d'ürant l'acziun cun la drona. El less eir savair a chi chi toccan propcha las chamonnas da Sapinous e da Clüset. Chi füss uschinà da reagir avant ch'inchün auter tillas piglia in possess. Reto Strimer conferma cha quellas sajan propcha in possess da la società.

Il president serra la radunanza a las 22.45

L'actuar Armon Schlegel